

OAHPAHUSA PRINSIHPAT - SÁMI

Oahpahusa prinsihpat oktiigesset ja čiekjudit oahpahuslága ja lágkaásahusa mearrádusaid, dasa gullá maid oahppoplánabuvttus. Prinsihpaid ferte geahčat visot njuolggadusaid ektui. Prinsihpat leat mielde čielggasmahttime skuvlaeaiggáda ovddasvástádusa fállat oahpahusa mii čuovvu lága ja lágkaásahusaid, olmmošvuoigatvuodaid ja álgoálbmotvuoigatvuodaid ja mii lea heivehuvvon báikkálaš ja oktagaslaš eavttuid ja dárbbuid mielde.

Oahpahusa prinsihpat galget leat vuodđun vuodđooahpahusa kvalitehta ainovdánahttimis ja sámi skuvlla ja oahppofitnodaga systemáhtalaš árvvoštallamis. Sámi skuvla¹ galgá sámegiela, sámi kultuvrra ja servodateallima vuodul hukset ja áimmahuššat ohppiid² duogážiid ja eavttuid girjáivuođa. Oahpahus galgá nannet ja ovdánahttit ohppiid identitehta dakko bokte ahte áimmahuššat ohppiid gielalaš ja kultuvrralaš duogáža ja dárbbuid, ja ovddidit sin mánggabéallásaš ovdáneami ja sin máhtu ja gálggaid. Skuvllas galgá leat gudneángirvuohta ohppiid ektui ja galgá addit ohppiide hástalusaaid ja mihttomeriid máid ángiruššet olahit. Seammás galgá skuvla ja oahppofitnodat vuhtiiváldit ohppiid iešguđetlágan eavttuid ja ovdáneami nu ahte buohkat besset muosáhit ilu go hálddašit ja olahit mihttomeriideaset. Oahpaheaddjít ja bagadeaddjít galget ovttasrádiid skuvlla ja oahppofitnodaga jođiheddjiiguin ovddidit buori oahppobirrasa buohkaide.

(ON'1948 málmmijulggaštus olmmošvuoigatvuodaid hárrái, ILO-soahpamuš nr. 169 Álgoálbmogiid ja čearddalaš álbumogiid hárrái iešmearrideaddji riikkain, ON'soahpamuš mánáid vuoigatvuodaid hárrái, Vuodđolága §110a ja oahppoplánabuktosa oppalaš oassi)

Sámi oahppoplakáhtta

Sámi skuvla ja oahppofitnodat galgá:

- láhčit dili nu ahte oahppit ja fidnooahppit ožžot kvalitehtalaččat buori oahpahusa mas vuodđun lea sámegiella, sámi kultuvra ja servodateallin
(ON' 1948 málmmijulggaštus olmmošvuoigatvuodaid hárrái, ILO-soahpamuš nr. 169 Álgoálbmogiid ja čearddalaš álbumogiid hárrái iešmearrideaddji riikkain, ON'soahpamuš mánáid vuoigatvuodaid hárrái, artihkal 30, Vuodđolága §110a, Oahpahusl. 1-2 ja kap. 6, ja oahppoplánabuktosa oppalaš oassi)
- fállat buot ohppiide ja fidnoohppiide/oahppokandidáhtaide seamma buriid vejolašvuodaid ovdánahttit iežaset dáidduid ja attáldagaid oktagaslaččat ja ovttas earáiguin
(Oahpahusl. § 1-2 ja kap. 5 ja oahppoplánabuktosa oppalaš oassi)
- arvvosmahttit ohppiid ja fidnoohppiid/oahppokandidáhtaid oahppanhálu, sávrodaga ja diehtoángirvuodáha
(Oahpahusl. § 1-2 ja oahppoplánabuktosa oppalaš oassi)

¹ Namahus "sámi skuvla" lea oktasašskuvlla oassi ja mearkkaša skuvlla dahje joavkku, gos vuodđooahpahus čuovvu Máhttolokten - Sámi oahppoplánabuktosa

² Oahpahusa prinsihpait namahus "oahppi" mearkkaša oahppi, fidnooahppi dahje oahppokandidáhta.

- arvvosmahttit ohppiid ja fidnoohppiid/oahppokandidáhtaid ovdánahttit iežaset oahppanstrategijaid ja kritikhalaš jurddašandáiddu
(*Oahpahusl. § 1-2 ja oahppoplánabuktosa oppalaš oassi*)
- arvvosmahttit ohppiid ja fidnoohppiid/oahppokandidáhtaid sin persovnnalaš ja identitehtalaš ovdáneamis, ja ovdánahttit ehtalaš, sosiálalaš ja kultuvrralaš gelbbolašvuoda ja demokratijaipmárdusa ja demokráhtalaš oassálastindáiddu
(*Oahpahusl. § 1-2 ja oahppoplánabuktosa oppalaš oassi*)
- láhčit dili ohppiidmieldévaíkuheapmái ja dasa ahte oahppit ja fidnooahppit/oahppokandidáhtat sáhttet diđolaččat válljet árvvuid, oahpu ja boahttevaš barggu
(*Oahpahusl. § 1-2, lágkaásahusa kap. 22 ja oahppoplánabuktosa oppalaš oassi*)
- ovddidit heivehuvvon oahpahusa ja molsašuddi bargovugiid
(*Oahpahusl. § 1-2 ja kap. 5 ja oahppoplánabuktosa oppalaš oassi*)
- arvvosmahttit, atnit ja ainovdánahttit dan ovttaskas oahpaheaddji gelbbolašvuoda
(*Oahpahusl. kap. 10*)
- bargat dan ala ahte oahpaheaddjit ja bagadeaddjit doibmet čielga jođiheaddjin ja ovdagovvan mánáide ja nuoraide
(*Oahppoplánabuktosa oppalaš oassi*)
- sihkkarastit ahte fysalaš ja psykososiálalaš bargo- ja oahppanbiras ovddida dearyvašvuoda, loaktima ja oahppama
(*Oahpahusl. kap. 9a*)
- láhčit dili ovttasbargui ruovttuin ja sihkkarastit váhnemiid/ovddasvástideddjiid searveovddasvástádusa skuvllas
(*Oahpahusl. § 1-2 ja lágkaásahus § 3-2*)
- láhčit dili nu ahte báikkálaš servodat ávkkálaččat fátmastuvvo oahpahussii

Sosiálalaš ja máŋgakultuvrralaš gelbbolašvuhta

Ohppiin geain lea nanu identitehta čadnojuvvon iežaset kultuvrii, ja geain seammás lea buorre máhttu eará kultuvraaid birra, sis lea buorre vuodđu ovdánahttit gierdilvuoda ja árvvusatnima. Čielga árvovuođdu ja viiddis kulturipmárdus lea dárbbašlaš dakkár sosiálalaš ja kultuvrralaš searvevuodas ja fátmasteaddji oahposearvevuodas gos girjáivuohta dohkkehuvvo ja árvvusadnojuvvvo. Sámi skuvla galgá ovddidit sámi árvo-, giella- ja kulturipmárdusa. Skuvla galgá áimmahušsat ja ainovdánahttit ohppiid identitehta, ja addit buot ohppiide seamma buriid vejolašvuodaid ovdániit fátmasteaddji oahposearvevuodas. Dakkár oahppobirrasis lea sadji ovttasbargat, ságastallat ja digaštallat. Oahppit besset oassálastit demokráhtalaš proseassain ja sáhttet dainna lágiin ovdánahttit demokráhtalaš miellalági ja ipmárdusa das man deatalaš lea aktiivvalaččat ja ángirit oassálastit girjás máŋgakultuvrralaš servodagas gos lea dásseárvu ja ovttadássasašvuhta.

Ovdánahttindihte ohppiid gelbbolašvuoda oassálastit máŋggagielalaš ja máŋgakultuvrralaš servodagas, galgá oahpahus láhčit dili nu ahte oahppit ohpet iešguđet kultuvraaid birra ja

vásihit ollu iešguđetlágan kultuvrralaš ovdanbuktinvugiid. Sámi skuvla galgá gaskkustit máhtu álgóálbmotkultuvrraid, -diliid ja -vuoigatvuodaid birra. Oahpahus galgá ovddidit máñggakultuvrralaš ipmárdusa ja bargat dan ala ahte ovdánahttit sihke iešipmárdusa, identitehta ja gullevašvuoda iežas kultuvrii ja árvvusatnima ja gierdilvuoda earáid kultuvrraid hárrai. Oahppit galget deaivvadit dáidagiin ja kulturvugiiguin mat ovdanbuktet sihke olbmuid oktagaslašvuoda ja searvevuoda, ja mat arvvosmahttet sin hutkáivuoda ja dáidduid odđafuomášumiide. Sii galget maid oažžut vejolašvuodaid atnit iežaset hutkandáidduid iešguđetlágan doaimmaid ja ovdanbuktinvugiid bokte. Dat bovttašii reflekerema, dovdduid ja spontanitehta.

Ovdánahttindihte ohppiid sosiálalaš gelbbolašvuoda, galgá skuvla ja oahppofitnodat láhčit dili fágabargguin ja doaimmain muđui nu ahte oahppit bessel hárjehallat ovttasdoaibmat ja čuolmmaid ja riidduid čoavdit iešguđetlágan vugiiguin. Oahppit galget ovdánit iešheanalalaš indiviidan geat árvvoštallet čuozahusaid ja váldet ovddasvástádusa iežaset daguin. Oahpahus galgá bargat dan ala ahte sis ovdána kultuvrralaš ja sosiálalaš gullevašvuhta ja ahte sii hálddašit iešguđet rollaid servodat- ja bargoeallimis ja astoáiggis.

(ON'soahpmuš mánáid vuogatvuodaid hárrai, artihkal 29 c ja d, Oahpahusl. § 1-2, kap 6 ja oahppoplánabuktosa oppalaš oassi)

Oahppama ja oahppanstrategijaid movttiidahttin

Ohppiin geain lea mokta, lea maid hállo oahppat, sii leat sávrrit ja diehtoángirat ja čájehit ahte máhttet bargat ulbmillačcat. Go vásihit ahte hálddašit áššiid, de girdet buorebut sihke miehte - ja vuostegiedageavada. Fysalaš doaimmat ovddidit dearvvašvuoda ja oahppanmovtta. Fágalačcat nana, ángiris ja oalguheaddji oahpaheaddjiet ja bagadeaddjiet, molsašuddi ja heivehuvvon bargovugiid geavaheapmi ja vejolašvuhta aktiivvalačcat mieldeváikkuhit, ovddida oahppi oahppanhálu ja positiivvalaš ja realistalaš ipmárdusa iežas attáldagain ja vejolašvuodain. Skuvla galgá hukset oadjebas ja fátmasteaddji skuvlabirrasa gos oahppit galget vásihit dásseárvvu iežaset giela ja kultuvrra hárrai ja gos ohppiid beará, fuolkkit ja earát lagasbirrasis leat aktiivvalaš doarjjan.

Oahpahus galgá movttáskahttit ohppiid earret eará oahpahusa mihtomeriid čielggasmahttimiin ja láhčimiin dili molsašuddi ja ulbmillaš doaimmaide. Oahppit galget oažžut, muhto maiddái ieža sáhttit válljet, bargobihtáid mat sihke hástalit ja addet vejolašvuodaid guorahallamii, okto dahje ovttas earáiguin. Árvvoštallan ja bagadallan galgá veahkkin nannet ohppiid movtta ain viidáseappot oahppat.

Oahppanstrategijat leat vuogit maid oahppit atnit organiseret iežaset oahppama. Dát leat strategijat movt plánet, čađahit ja árvvoštallat iežas barggu olahit mearriduvvon gelbbolašvuodamihtomeriid. Dát máksá maid odđa hákkojuvvon máhtu reflekšuvnna ja movt dan atná odđa dilálašvuodain. Buorit oahppanstrategijat ovddidit ohppiid oahppanmovtta ja sin návcca čoavdit váttis bargguid maiddái viidáseappot oahpus, barggus dahje astoáiggis.

Oahpahus galgá dahkat ohppiid diđolažžan das maid leat oahppan ja maid fertejit oahppat olahandihte mihtomeriid. Makkár oahppanstrategijaid oahppit atnet oktagaslaš oahppamii ja oahppamii ovttas earáiguin, sorjá sin eavttuin ja guoskevaš oahppandilálašvuodas. Oahpahus

galgá addit ohppiide máhtu das man mágssolaš iežaset árja lea ja das movt diđolaččat geavahit ja ovdánahttit oahppanstrategijaid. (*Oahpahusl. § 1-2 ja oahppoplánabuktosa oppalaš oassi*)

Ohppiidmieldváikkuheapmi

Skuvla ja oahppofitnodat galgá ráhkkanahittit ohppiid oassálastit demokráhtalaš mearridanproseassain ja movttiidahttit beroštít báikkálaš, sámi, našuvnnalaš ja riikkaidgaskasaš servodatgažaldagain. Oahpahusas galget oahppit ovdánahttit máhtu demokráhtalaš prinsihpaid ja ásahusaid ja demokratiija birra sihke unnitlogu- ja eanetlogugeahččanguovllus. Skuvla ja oahppofitnodat galgá láhčit dili nu ahte oahppit besset vásihit iešguđetlágan vugiid movt oassálastit ja mieldváikkuhit demokráhtalaš proseassain sihke beaivválaš barggus ja go servet ovddasteaddji orgánaide.

Ohppiidmieldváikkuheapmi máksá ahte oahppit besset leat mielded iežas ja joavkku oahppamii guoski áššiid mearrideames. Fátmasteaddji oahppobirrasis lea ohppiidmieldváikkuheapmi mágssolaš sosiálalaš gaskavuođaid ja oahppanmovtta ovddideapmái buot oahpahusa cehkiin. Fágaid bargguin lea ohppiidmieldváikkuheapmi mielded dahkame ohppiid eambbo diđolažžan iežaset oahppanproseassaid hárrái, ja dat addá maid buoret váikkuhanfámu iežas oahppamis.

Oahppit galget sáhttit oassálastit oahpahusa plánemii, čađaheapmái ja árvvoštallamii lága ja láhkaásahusaid rámma siskkobealde, dása gullá maiddái oahppoplánabuvttus. Man ollu ja movt sii besset leat mielded váikkuheames, rievđá earret eará agi ja ovdánandási mielded. Ohppiidmieldváikkuheapmi eaktuda ahte sii dihtet makkár válljenvejolašvuodat gávdnojit ja maid dat sáhttet mielddisbuktit. Bargat fágaiguin veahkeha iešguđetláhkái dasa ahte oahppit dovddiidot iežaset dáidduid ja attáldagaid. Dat buorida sin vejolašvuodaid oassálastit ja dáiddu válljet diđolaččat.

(*Oahpahusl. § 1-2 ja § 9a ja oahppoplánabuktosa oppalaš oassi*)

Heivehuvvon oahpahus ja ovttadássáš vejolašvuodat

Heivehuvvon oahpahus searvevuoda siskkobealde lea okta dain vuodđogedđgiin oktasašskuvllas. Oahpahus galgá heivehuvvot ohppiid kultuvrralaš ja gielalaš duogážii ja láhčcojuvvot nu ahte oahppit besset ovdánahttit positiivvalaš iešgova, searvat searvevuuhii ja muosáhit ilu go hálldašit ja olahit mihtomeriideaset. Fágaiguin barggadettiin galget buot oahppit oažžut iežaset návcçaid ja attáldagaid mielded hástalusaid maiguin birgejít okto dahje ovttas earáiguin. Go oahppit barget ovttas rávisolbmuiguin ja guhtet guimmiideasetguin, de sáhttá dáidduid ja attáldagaid girjáivuohta nannet sihke searvevuoda ja ovttaskas oahppi oahppama ja ovdáneami.

Oahpahusas galgá ohppiid iešguđetlágan duogáš, eavttut, beroštumit ja attáldagat dustejuvvot iešguđetlágan hástalusaguin. Fátmasteaddji oahppobirrasis galget buot ohppiin, beroškeahttá čearddalaš gullevašvuodas, sohkabealis, agis, sosiálalaš, geográfalaš, ealáhus, kultuvrralaš dahje gielalaš duogážis, leat seamma buorit vejolašvuodat ieš ovdánit fágaiguin bargamiin. Heivehuvvon oahpahus ovttaskas oahppái lea go molssoda oahppohivvodaga, bargovugiid ja oahpponeavvuid ja maiddái ahte oahpahusa lágideapmi ja árjjalašvuohita molsašuddá. Ohppiin leat iešguđetlágan vuolggasajit, sii atnet iešguđetlágan

oahppanstrategijaid ja sii olahit iešguđeteavttuin mearriduvvon oahppoplánaid gelbbolašvuodamihtomeriid ektui.

Erenoamášoahpahusa mearrádusat bohtet atnui go lea dárbu heivehit oahpahusa eambbo go maid lea vejolaš dábalaš oahpahusa siskkobéalde.

(*Oahpahusl. § 1-2, kap. 5 ja 6, ja oahppoplánabuktosa oppalaš oassi*)

Oahpaheddjiid ja bagadeddjiid gelbbolašvuohhta ja rolla

Oahpaheaddjit ja bagadeaddjit galget leat čielga jođiheaddjin, geat ovddidit oahppanulbmiliid ja doibmet čeahpes ja áŋgiris gaskkusteaddjin ja bagadallin. Sii galget očcodit ohppiid ovdánahttit beroštumi ja áŋgirvuoda bargat fágaiguin. Dat gáibida ahte leat čielga vuordámušat ohppiide searvat árjjalaččat oahppandoaimmaide.

Oahpaheddjiid ja bagadeddjiid ollislaš gelbbolašvuohhta lea mángga oasis ja guovddážis lea fágalaš čehppodat, dáidu gaskkustit fága, dáidu lágidit oahppanbarggu ja máhttít árvvoštallat ja bagadallat. Lea deatalaš ahte oahpaheddjiin lea máhttu sámi kultuvrii gullevaš sosialiserenvugiid ja oahpahanmetodaid birra. Sámi skuvla galgá sáhttit addit oahpahusa sámegielas ja sámegillii, ja oahpaheddjiin ja bagadeddjiin galgá leat gelbbolašvuohhta sámegielas, sámi kultuvrras ja servodateallimis. Sis galgá maid leat mánggakultuvrralaš gelbbolašvuohhta ja máhttu ohppiid iešguđetlágan vuolggasajiid ja oahppanstrategijaid birra.

Oahpaheddjiid ja bagadeddjiid gelbbolašvuoda ferte árvvoštallat daid gáibádusaid ja vuordámušaid mielde mat áigges áigái bohtet ovdan lágain ja láhkaásahusain, das maiddái oahppoplánabuktosis, ja maid fágaid ovdánemiid mielde.

Skuvla ja oahppofitnodat galget leat oahppavaš organisašuvnnat ja láhčit dili nu ahte oahpaheaddjit sáhttet oahppat guhtet gummiineaset go ovttasbarget oahpahusa plánemiin, čađahemiin ja árvvoštallamiin. Oahpaheaddjit ja bagadeaddjit galget maid sáhttit njulget ja ođasmahttit sin fágalaš ja pedagogalaš gelbbolašvuoda earret eará gelbbolašvuodaovdánahttima bokte, das maiddái ovdánahttinbargguin oassálastit.

(*Oahpahusl. kap. 6 ja 10*)

Ovttasbargu ruovttuin

Váhnemiin/ovddasvástideddjiin lea váldoovddasvástádus iežaset mánáin, ja sii leat mágssolaččat mánáid moktii ja oahppamii. Ovttasbargu skuvlla ja ruovttu gaskkas duddjo sihke buriid oahppaneavttuid ovttaskas oahppái ja maid buori oahppobirrasa ohppiidjoavkkus ja skuvllas.

Mánát ja nuorat leat maid oassin stuorát sosiálalaš ja fuolkevuoda fierpmádagain mat sáhttet veahkehít dasa ahte identitehta ja árbeviolaš árvvut seailluhuvvojít ja nannejuvvojít. Kulturgelbbolašvuohhta maid váhnemát/ovddasvástideaddjit, áhkut ja ádját, bearrašat, fuolkkit, risváhnemát ja ustibat ovddastit, galgá adnot mágssolažžan oahpahusas. Buori ovttasbarggu eaktun lea buorre gulahallan. Ovttasbarggus lea gulahallan ohppiid fágalaš ja sosiálalaš ovdáneami ja sin čálgu birra guovddážis. Skuvlla ja ruovttu ovttasbargu lea deatalaš olles vuodđooahpahusas, muhto ovttasbarggut ja mállet rivdet dađimielde go oahppit surrot ja ožžot eambbo ovddasvástádusa iežaset oahppamis ja ovdáneamis.

Skuvlla ja ruovttu ovttasbargu lea goappaš beliid ovddasvástádus, muhto skuvla galgá álggahit dan ja láhčit dasa dili. Oahpahuslákka, lága láhkaásahus ja oahppoplánabuvttus leat ovttasbarggu vuodđun, ja váhnemiin/ovddasvástideddjii galgá leat duohta vejolašvuota váikkuhit fágalaččat ja sosiálalaččat iežaset mánáid oahppanbargguide.

Ruoktu galgá oažžut dieđuid fágaid oahpahusa mihtomeriid birra, movt oahppit ovdánit fágalaččat mihtomeriid ektui ja movt ruoktu sáhttá veahkehit ohppiid mihtomeriid olaheamis. Ruoktu galgá maid oažžut dieđuid das movt oahpahus lágiduvvo ja makkár bargovuogit ja árvvoštallanmállet geavahuvvovit. Skuvla galgá maid láhčit dili nu ahte váhnemat/ovddasvástideaddjit ožžot dieđuid maid dárbbašit vai sáhttet albmaládje oassálastit digaštallamiin skuvlla ovdánahttima birra.

(*Oahpahusl. § 1-2 ja láhkaásahus kap. 3*)

Ovttasbargu báikkálaš servodagain

Buorre ovttasdoaibman skuvlla ja ealáhus- ja bargoeallima, dáidda- ja kultureallima ja báikkálaš servodaga eará osiid gaskka sáhttá dahkat fágaid oahpahusa eambbo konkrehtalažžan ja duohtadililáganin ja dakko bokte buoridit ohppiid dáiddu ja miela oahppat. Báikkálaš servodagat leat iešguđetláganat, ja mii ohppiide lea báikkálaš, rievđá sin agi ja ovdáneami ja servodatrievdamiid mielde.

Sámi báikkálaš servodagat sistisdollet daid kulturárbevieruid ja dan kulturvuodu mii lea čadnon sámi giliide ja čuožžilan gávpogiin ja stuorit čoahkkebáikkiin gosa sámit leat fárredan. Eanas sámi báikkálaš servodagat leat máŋggakultuvrralaččat ja doppe leat ollu iešguđetlágan vejolašvuodat ja hástalusat. Danne lea ovttasbargu gaskal skuvlla ja báikkálaš servodaga deatalaš, ja sáhttá oahpásnuhittit ja addit ohppiide ipmárdusa báikkálaš máhtus, árbevieruin ja árvvuin. Sii besset vásihit ahte leat oassin báikkálaš servodagas, ja sáhttet leat mielde hábmeme ja veahkeheame positiivvalaš ovdáneapmái báikkálaččat.

Máhttu sámi ealáhus- ja eallinvugiid birra lea móvssolaš ohppiide maid máilmiviidosá perspektiivvas. Luondu lea gáldu birgejupmái, báikkálaš identitehtii, vásáhusaide ja luondduillui. Oahpahus galgá deattuhit ipmárdusa das movt buot luonddus lea oktiičadnon, ovttasdoaibmama olbmuid ja luonddu gaskkas ja maid deattuhit ehtalaš ovddasvástádusa luonddu hálldašeamsi.

Heivehuvvon ovttasbargu báikkálaš ealáhus- ja bargoeallimiin sáhttá oahpásnuhittit ohppiid iešguđetlágan bargoproseassaide, addit sidjiide geavatlaš bargovásáhusa, máhtu bargoeallima birra ja ovddidit fitnodeamibarggu oahpahusas. Dat ahte oahppit dovdet ealáhus- ja bargoeallima nuppástusaid sáhttá oidnot das go aktiivvalaččat servet hutkkálaš doaimmaide ja fitnodeapmái. Vásáhusat báikkálaš ealáhus- ja bargoeallimis sáhttet veahkkin dasa ahte oahppit ožžot buoret vuodu diđolaččat válljet oahpu ja barggu. Dasa lassin sáhttá ovttasdoaibman mielddisbuktit ahte oahpahus eambbo heivehuvvo bargoeallima dárbbuide. Máhttu bargoeallima organisašuvnnaid birra váikkuha servodatberoštumi ovdáneapmái ja demokráhtalaš oassálastimii.

Ovttasbargu skuvlla, kulturskuvlla, báikkálaš servviid ja earáid gaskkas báikkálaš servodagas addá mánáide ja nuoraide vejolašvuodðaid ainovdánahttít sin dáidduid ja attáldagaid go sii aktiivvalaččat oassálastet iešguđetlágan sosiálalaš ja kultuvrralaš doaimmain.

Buorre ja systemáhtalaš ovttasbargu gaskkal mánáidgárddi ja mánáidceahki, mánáidceahki ja nuoraidceahki, nuoraidceahki ja joatkaoahpahusa galgá geahpidit sirdima dáid iešguđetge cehkiid gaskka oahpahusmannolagas.

Ovttasbargu eará almmolaš ásahusaiguin, main lea ovddasvástádus mánáid ja nuoraid oahppamis, ahtanuššamis ja bajásšaddanbirrasis lea maid skuvlla guovddáš doaibma. Dát guoská erenoamážit daidda ohppiide geat dárbašit erenoamáš heiveheami.